



Gaaâ€™ila kee Baraaruf-Kutaa 1

Description

Kaayyoon fuudha heeruma fedhii fooni guutu qofa osoo hin taâ€™in sanyii horachuu fi jirenyaa namaa itti fufsiisudha. Fuudhaa heerumni dhaabbata guddaa maatii, hawaasni, biyyi fi addunyaan ittiin ijaaramaniidha. Hundeen dhaabbata kanaa yoo hin tolin, maatii qofa osoo hin taâ€™in hawaasni fi biyyi ni diigama. Ijolle fi dubartoonni rakkoo garagaraatif saaxilamu. Wantoota dhaabbata kana diigan mee muraasa isaani haa ilaallu:

1. Sodaan Rabbii fi sabrii/obsa dhabuu â€“ sodaan Rabbii qabaachun mirgaan fi dirqama ofii akka beekan nama taasisa. Namni seera fi heera ittiin bulmaata Qurâ€™aana fi Hadiisa godhate haala salphaan furmaata argata. Sababni isaas Rabbiin wanta ilma miidhu fi fayyadu hunda Qurâ€™aana keessatti tarreesera. Namni sodaan Rabbii qabu haadha/abbaa manaa isaa/ishii hin miidhu, hin cunqursu. Daangaa walii eeggataa adeemu.

Namtichi tokko Hasan bin Ali(RA)akkana jedhe gaafate, â€“Intala takka qaba. Namoonni fuudhaf na gaafatu. Eenyutti haa heerumiisi?â€“

Hasan akkana jedheen, â€“Nama Rabbiin sodaatutti heerumiisi. Yoo ishii jaallate ni kabaja. Yoo ishii jibbe immoo hin miidhu.â€“

Daangaa Rabbii eegu fi mirgaaf dirqama ofii bahuuf obsa fi wal dandaâ€™u addaan hin cinnee barbaachisa. Wanta gaarii kamiyyuu hojjachuu fi wantoota gadhee irraa of tiksuumi sabrii barbaachisa. Yeroo haadha/abbaa manaa ofittii aaran, aarii ofii miciiqu fi qabbaneessuf obsaa fi sodaan Rabbii barbaachisa. Namoonni baayâ€™een yeroo dallanan wanta dubbatanii fi dalagan hin beekan. Wantuma afaanitti dhufee gadi haqqisuu. Boodarra akkana nan jette jirta jedhamanii yoo gaafataman, guyyaa adiin kaadu. Sababni isaas yeroo dubbatan san of hin beekan; dubbiin isaani summii akka taate osoo hin beekin gadii dhangalaasu. Salphinnaa fi gadi xiqqeonya dubbii isaani kan baran erga aarin qabbanaâ€™edha. Kanarrraa kan kaâ€™ee wal diiggaa fi wal hiikun dhufa. Sababa jechoota summii walitti dhangalaasaniif garaan isaani ni madaaâ€™a, hariiroon isaani ni cita. Furmaanni keenya addaan bahuudha jedhu.

Kanaafu fuudha heerumni dhaabbata olâ€™aana maatii fi biyyi irraa ijaarramu beekne wantoota isa diigan irraa fagaachu qabna. Wanti haasofnu miira walii kan hin miine fi daangaa kan qabu taâ€™uu qaba. Yeroo aarru obsaan aarii keenya gadii liqimsuun daafaa fi miidhaa arrabaa keenya irraa dhufu salphatti hanbisuu dandeenya. Namni yoo calâ€™isee nageenya fi tasgabbii horata. Yoo dubbatee immoo nageenya yookaa jeequmsa buufata. Kanaafu wanta dubbannu madaalaa dubbachuu nageenya keenya eegu dandeenya.

Yeroo aarii osoo gonkumaa dubbachuu baatanii badii hammana hin jedhamnerraa nama tiksa.

Mee mammaaksa Oromoo kanniin irraa haa barannu; â€œKaraa fi dubbii odoo arganuu irraa goranii. Calâ€™isaan olla waliin bulaa.â€¢

Furmaata: namni hanga fedhe gadhee fi jibbamaa haa taâ€™uu guyyaa tokko nama gaarii fi jaallatamaa ni taâ€™a. Kunii immoo taâ€™uu kan dandaâ€™u carraaqi ofiitin amala moofaa ofirraa baase amala gaarii isa haarawa taâ€™ee yoo ofitti direedha. Kuni immoo taâ€™uu kan dandaâ€™u sodaa Rabbii fi obsa qabaachuf yoo carraaqedha. Sodaan Rabbii fi obsa qabaachuf beekumsa barbaadu,hiriyyaa gaaritti michoomu fi namoota gadhee irraa fagaachuuni. Namni akka mukaa jallatee kan hafuu osoo hin taâ€™iin jijiramuu akka dandaâ€™u of amansiise gara hojiitti haa tiratu. Adeemsa of jijiruu keessatti dogongorrii waan uumamuuf dogongoraa sodaate fi saalfate duubatti mucucaachu hin qabu.

2. Jarjaruu- Namoonni yeroo dhaabbata fuudhaa fi heerumaa dhaabuf hedan ni jarjaru. Dafee ishii/isa waliin wal haa argu jedhanii ariifatu. Maalummaa fi amala nama sanaa gadi dhaabbatanii hin xinxallan. Yookiin immoo fuudhaa heeruma hundeessuf haal dureen jalqabaa maal akka taâ€™ee sirritti osoo addaan hin baafatti wal fuudhutti fiigu. Yeroo baayâ€™ee namoonni haal dureen jalqabaa kaadhimaa ofii itti filatan diinagdeedha. Haa taâ€™uu malee haal-dureen jalqaba kaadhimaa ofii itti filatan imaana fi aklaaqa gaarii akka taâ€™ee erga buufata dhaabbata fuudhaa heerumaa keessa seenaniin booda hubatu. Akkuma Oromoon jedhu â€˜Jarjaraan reâ€™ee hin horu.â€™ Namni jarjaruu wayittu hin buâ€™uu. Gadii dhaabbate buâ€™aa fi miidha wanta hojjatu sirritti hin xinxallu. Hanga wanta tokkotti buâ€™utti fixe wanta sanaa qabate waliin kaachudha.

Namoonni gariin immoo dhaabbata fuudhaa heerumaa erga hundeessanii booda aarii isaani tooâ€™achuu hin dandaâ€™an. Wanta dubbatiif gatii hin kennan. Aarii ofii qabbaneessuf arrabaan haadha/abbaa manaa ofii duugu. Arraba ofii hidhu hin dandaâ€™an. Hanga wanta garaa keessa jiruu guutuu dubbatanii fixaniif jarjaru. Akkuma Oromoon jedhu, â€œAlanfatan malee liqimsuun yaadan malee dubbachun of balleessudha.â€¢

Namni jarjaraan ofillee galaafate namallee galaafata. â€œQoonqo jarjartuun abbaa huuti.â€¢ Jedha Oromoone.

Furmaata: â€œOsoo hin hubatin hin gugatin.â€¢

3. Garmalee aaruu/dallanuu- Aarun uumama namaati. Haa taâ€™uu malee aarin daangaa hin qabne nama miidha. Wanta argan hundaaf aarun/dallanuun amala gowwaati. Akkasumas wanti garmalee barbaachisaan yoo badu calâ€™isanii ilaalu fi aaru dhiisun amala nama itti gaafatamummaa hin qabne fi doofadha. Fakkeenyaf,sababa birchiqoon cabdeef ganamarraa hanga galgalaa dallanuun amala nama gowwaati. Akkasumas yeroo amantiin ofii fi hordoftoonni isaa cunqurfaman aaru fi quqamuu dhiisun

amala nama doofaa fi ittigaafatamummaa hin qabneeti. Sababa aaritin humni fi kakaâ€™umsii ni uumama. Diina namatti dhufee ofirraa miliqsan.

Fuudhaa heeruma keessatti aarin barbaachisa miti jechuu keenya osoo hin taâ€™in daangaa qabachuu qaba. Wanta xiqqoo abbaan/haati manaa balleesse/balleessiteef aarin mataa of bobeessun buâ€™aa tokko hin qabu. Akkuma Ergamaan Rabbii (SAW) jedhan:

â€œNamni cimaan(kan humna qabuu) nama walâ€™aanson cimaa taâ€™ee osoo hin taâ€™iiin,nama yommuu dallanu nafsee ofii tooâ€™atedhaâ€™ Sahih Muslim 2609

Kanaafu namni hanga fedhe humnaa fi qabeenyan cimaa yoo taâ€™ee, aarii ofii yoo hin tooâ€™atin inni nama gadiidha.

â€Aarii kee wal dandaâ€™uun hidhi. Aarin sareen wal fakkaata. Yoo gadi lakkiste miidhaa baayâ€™ee geessaâ€ Ibn al-Qayyiim

Namni fuudhaa heeruma keessatti jirenya gaarii hawwu aarii ofii gadii qabuu fi tooâ€™atu qaba. Wantoonni baayâ€™een isa aarsu fi ibiddi mataatti qabsiisu dandaâ€™u. Haa taâ€™uu malee gatiin wantoota badee fi aarii tooâ€™achuu dhiisu irraa miidhaa dhalatu gadi. Wanti bade duubatti hin deebiâ€™uu. Garuu,jechoonni aariin dubbataman manatti ibidda qabsiisu. Dhaabbata buâ€™uuraa fi hundee biyyaa kan taâ€™ee maatii diigu,addaan facaasu.

Kanaafu fuudha heeruma milkaaâ€™innaa fi gammachuu qabu jiraachuf namni tokko aarii ofii gadi qabuu fi tooâ€™achuu qaba. Gatii fi miidha wanta aaruf sanii beeku qaba. Wanta yartuu hundaaf aarun amala gowwaa akka taâ€™ee haa xinxallu. Barruu â€œAarii Kee Tooâ€™achuufâ€™ jettu haa dubbisu.

4. Wanta hundaaf walitti qanyisu/nyakanyaku- Namoonni tokko tokko nyakkisuun akka waan isaan waliin dhalatee wanta yartuu hundaaf osoo nyakanyakanii sammuu ofii dhoosu. Wanti xiqqaa fi guddaan isaan biratti walqixa. Wanti xiqqoon yoo badde manatti ibadda qabsiisan. â€˜Maaliifakkana taâ€™ee? Maal osoo hojjattu kunii bada? maaakkana hin gootu? Akkamittiakkana jetta erga balleessite raawwatte booda? â€˜gaafilee kana fi kan kana fakkaatan dhiihessun balaa wanta badee caalaa fidu. Calâ€™isaniifurmaata barbaadu dhiisanii sababa adda addaa walitti xaxu. Walitti nyakanyakuu irraa kan kaâ€™ee halkanii guyyaa manni ni dukkanaaâ€™a. Harmeen kooakkana jedhu turan, â€˜Manni ciqiciqii bar mana dukkanaati. Nageenyi hin jiru. Rabbummaan mana keessan mana ciqiciqii hin godhiin. Niiti gaarii isinitti haa qabu. Duniyaan hanga feete haa baayâ€™attu manni ciqiciqii mana dukkanaatiâ€™ Manneen baayâ€™ee irra deeme yoo ilaalu manni ciqiciqii(nyakanyaka) qabu mana dukkanaa akka taâ€™ee siritti naa galte.

Fuulan walitti toluun qabeenya kamiyyuu caalaa miâ€™aawadha.

Manni nyakanyaka qabu ijjolleen seeran akka hin guddanne godha. Nageenyaa fi tasgabbii manaa balleessa. Yoomuma nageenya argadha jette/jedhe yaaddofti/yaaddawa. Furmaanni isa dhuma wal hikkaa akka taâ€™eetti yaadun maatii ofii bittineessu.

Furmaata: nyakanyakuun miidhaa malee buâ€™aa tokko kan hin buusne taâ€™uu dursinee beeku qabna. Sammuu ofii cinquu fi dhuuffisuu malee furmaata gonkumaa taâ€™uu hin dandaâ€™u. furmaanni harka kaadhimtoota lamaani jira. Dubbii gaarii walitti haasawu fi waliin mariâ€™achuun rakkoo ofii haala salphaan hiikkachuu dandaâ€™u. Wanta badeef arraba ofii lugaamun furmaata hundaa caaludha. Kanaan ala garuu lukkuun kormaan hanga fedhe yoo kaakkise killee buusu hin dandaâ€™u. Hanga fedhan yoo walitti kaakkisan/nyakkisan furmaanni tokko dhufuu hin dandaâ€™u. Kanaa mannaa waliin mariâ€™achuun rakkoo fi furmaata tarreessudha.

5. Shakkii fi hinaafa daangaa hin qabne â€“ Wal shakkuun amala ilma namaati. Haa taâ€™uu malee akkuma wantoonni hunduu daangaa qaban shakkii fi hinaafnis daangaa qaba. Haadha warra tiyyaa shakkuu fi hinaafu mirga qaba jenne sobaa hin jirre irra kaaâ€™un cubbuudha. Wanta sheeyxaanni nutti hasasu hunda dhugaa goone fudhachuun haadha warraa keenyarratti summii dubbii dhangalaasun jaalala fi hariiroo jiddu keenya kutuudha. â€œOsoo hin guuttatin hin gugatin.â€¢ jedhe Oromoorn. Wanta shakkinu san osoo sirritti addaan hin baafatin calâ€™isneetumaan fiigun miidha baayâ€™eef nama saaxila. Kuni soba moo dhugaa,dhara moo haqa jenne xinxallu qabna.

Furmaata: niiti ykn dhiirma ofii shakkuu fi hinaafun wantuma jiru taâ€™ee daangaa isaa qabsiisun dhaabbata jirenya akka hin diigne godha. Yoo niitin tee nama tokkotti bilbilte, â€˜Edaa atii nama akkanaa waliin jirta!â€™ jettee shakkiin maqaa wal xureessun duratti suuta fi mariin wal gaafachu barbaachisa. Wantoota shakkii namatti naqanirraa fagaachudha. Shakkiin wal amanamummaa jiddu namoota lamaani balleessa. Kanaafu,mobiyili niiti teeti guyyaa guyyaan gorogortee â€˜Kana maaliif bilbilte? Kuni eenyudha? Ati edaa nama biraan waliin jirtaâ€™ jechuun jaalala fi wal amantummaa jidduu keessanii qancarsa. Shakkiin gara morkiitti nama oofa. Akka ati aartuf qofa niitin/dhiirsi kee wanta garagaraa sirratti hojjatti/ta. Shakkii badaa irraa of tiiksuf sheeyxaana abaarameerra Rabbitti mangafadhu. Sababni isaas sheeyxanni haati fi abbaan manaa wal shakkani akka wal diigan barbaada. Yommuu abbaa/haadha manaa kee wanta badaan shakkitu akkana jedhi, â€œAâ€™uzubillahi mina sheeyxaani rajimâ€™ sheeyxaana abaarramerraan Rabbiin tiikfama. Dubbii dhugarraa fagaate namootarraa fudhachun mana keetti lolaa fi dallansuun ibidda hin qabsiisin. Wanta shakkitu san dubbatuun dura dhugaa yookin soba taâ€™uu isaa sirritti itti xinxalli. Shakkiin kee namuma argitetti hin odeessin sitti kolfanitti.

Kutaan 1ffaan asirratti xumurama. Insha Allah kutaa 2ffaa Torbaan dhufa waliin ilaalla. Hangasi Assalamu aleykum warahmatullahi wa barakatuh. Namoota dabarsuun fuudha heeruma isaani badii irraa akka baraaran gummacha godhaaf.

like <https://www.facebook.com/jirenyabadhaatu/>

Date Created

May 20, 2016

Author

admin